



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 21. Concilium Venetiense.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

cilium hoc nititur, extitisse. Subscripse-
runt octo Episcopi, qui ibi nominantur, Sæculum V.
Presbyter unus nomine cujusdam Episco- A.C. 462.
pi cœci, & Thalassius, Episcopus Ande-
gavensis, qui domi suæ Nomen apposuit.

§. XXI.

Concilium Venetiense.

Post aliquot annorum lapsum, idem Per-
petuus Concilium egit Venetiæ, (*)
cum Paternus illius Civitatis Episcopus
ordinaretur. Alii præterea quatuor Epis-
copi, Athenius Rhedonensis, Nunechius
Nanetensis, Eusebii Successor, Albinus,
& Liberalis interfuerunt. Tredecim Ca-
nones conscripti, plerique Turonensibus
similes. Lex prohibens Clericis, ne sine *c. 6.*
litteris Episcoporum suorum commenda-
titiis peregrinentur, ad Monachos exten-
ditur, & si verba iis coercendis non suf- *c. 7.*
fecerint, statuitur, ut adhibeantur ver-
bera. Prohibetur, ne extra Septa Mona-
sterii, & sine Licentia Abbatis, cellulas *c. 9.*
privatas habeant, & Abbatibus, ne plura
habeant Monasteria, aut domicilia, nisi
forte in Civitatibus domos, quo confu-
gere possint, si hostes ingruant. Sub Ex-
communicationis pœna Clericis prohibe-
tur, ne ad tribunalia Sæcularium sine li-
centia

E e e 3

centia

(*) Venetia seu Vennes urbs est minoris Bri-
tanniæ.

Sæculum V.
A.C. 462.

- centia Episcopi convertantur, sed si suspectum sit Episcopi tribunal, aut si contra ipsum Episcopum agere velint, aliorum Episcoporum Judicium implorent. Clerici, quibus uxorem ducere interdictum, nimirum Subdiaconi, & in ordinibus Subdiaconatu majoribus constituti, conviviiis nuptialibus non intersint, nec profanis Comitiiis, ubi insani amores canuntur, & obscœne saltatur, ne aures, oculique, tractandis Sacris Mysteriis destinati, inquinentur. Clerici etiam Judæos fugiant, & cum ipsis non assideant mensæ, quia non omne ciborum genus, quibus nobis vesci licitum, comedunt. Clericus, qui ebrius inventus fuerit, per dies triginta a Communione separabitur, aut pœna corporis castigabitur.

- Clericus, si fuerit in Civitate, & absque causa precibus Matutinis non interfuerit, per dies septem a Communione separabitur. Sacrarum Cæremoniarum Ritus, & Psalmodiæ usus in tota Provincia conformes sint. Clericis sub pœna Excommunicationis prohibetur, ne illi Divinationis generi, quod Sors Sanctorum dicitur, operam dent, aut futura præscire cujuscunque Scripturæ inspectione se jactent. Jam antea de hac Superstitione mentionem fecimus, quæ ne tunc quidem extingui potuit. In principio horum Canonum visitur epistola, qua jubetur,

Sup.

tur, ut canones isti ad duos illius Provin-
ciae Episcopos, qui a Concilio Venetiensi
abfuerant, nimirum Victorium Cenoma-
nensem, & Thalassium Andegavensem di-
rigerentur.

Sæculum V.
A.C. 462.

§. XXII.

Concilium Romanum.

Cum quidam, cui Nomen Hermes, Epis-
copus Blyterensis fuisset ordinatus,
eum Cives nolebant recipere, quod an-
teactæ vitæ dedecus, ut verum erat, Epis-
copatu indignum redderet. Contemptu
incitatus Hermes Ecclesiam Narbonen-
sem invasit; tum ipse, & Episcopus Bly-
terensis Romam ad S. Leonem Papam, &
Hilarum Papam libellos supplices mit-
tunt. Hilarus, quem etiam Diaconus,
Joannes nomine, quid rei subesset, edo-
cuerat, præprimis Leontio Arelatensi scri-
psit, petens, quæ facta fuissent cum ad-
iunctis, ad se mitteret in Libello, cui
ipse, & alii Episcopi subscripsissent, ut se-
cundum ea sententiam ferre possit. Hæc
epistola tertia Nov. anno 462. data est.
Missi ab utraque Parte delegati, & duo
ex Gallia Episcopi Faustus, & Auxanius
Romam profecti, interfuerunt Concilio,
a Papa eodem Mense Nov. celebrato cum
Episcopis, qui magno numero, & e di-
versis Provinciis ad diem ordinationis
ejus anniversariam honorandam conve-

E e e 4

nerant.